


www.BibleForChildren.org

Masyu 26




Kunum angit
orung nga endeim mit
molk, kor owundu kuni
'Pasopa' nungii ei, tonu
omba pim. Pe kunum
ete, Jiisas eim Besanii konu
ete Lasaras nge konu ete wu
ei, Jiisas eim tukpu to pendnjing ei, Jiisas
er konj nge sim wu ngii konu ete pum.



Pe amb
Mariya eim ku
owundu top erpi
sim kopung ka ming
owundu mił endi ei, tu
wupu kin, Jiisas nge simb
ełe kopung bein topu kin, nga
Mariya eim nge peng enjin ei sipi kin,
eim simb ełe kil ngum. Pe kopung muru ka wii
tołum ei tuk ngii ełe pei muru ka tołum.



Pe kunum eŧe, Jiisas ekii siŧmin wumb engki nga taŧ
mulnjung konu eŧe, wu endi embe Juras Eskeriyas
eim pupu, kuŧmaŧ kaŧiŧmin wumb
mulnjung konu eŧe pum. Pupu
kin, eim Jiisas sipi, opu erii
wumb ngumba nge pum.



Nga en enim ek ei piik Juras Eskeriyas ek nim mił piik, ka piinjing. “Pe eim kom ku ngumun,” pa ninjing. Pe Juras, “Jiisas sipi, kułmał kałiłmin wumb ngumbii,” ni yi piim.



Pe Jiisas eim nge ekii sik elmin
wumb eim nim mił yi erik, kuni
owundu Pasopa nungii nge er kun
enjing. Kunum ełe en enim kuni
nok molk, Jiisas eim bres sipi, Gos
kin noman ka ngopu, prei erpi bres
engin topu, eim nge ekii siłmin
wumb wu ombu ngum. Ngopu ek
yi nim, “Enim sik bres, ei
na nge ngenj
mił mei!”




Nga sipi ond mong noł wain ming
kap ei sipi, Gos kin noman ka ek ni
ngopu prei erpi noł wain ni ngum.


Ngopu, yi nim, “Enim noł wain ei
pei nei!” pa nim. Nipi yi nim, “Noł
wain ming ei, na nge miyem mił
enim nunjung. Na miyem ei nge
andan topu, Gos ek dinga nipi
pendim ei dinga keimi
pałim, nga na
miyem bein top,
wumb oł kis
enjing ei, kil
ngumbii ku.”



“Saimon! Saimon! Nim piikin; pe Seisen eim enim kin kuni mong wiis elmin of ei mił, enim kin yi ku ermiba. Ei eim enim kin mok topu wumb dinga molałmin wumb nin, nga dinga mołmun wumb, kapłi kongun erpi sipi, eim andłam ełe kindmbii ni ermiba ei, dinga mił molałmin kin, wumb wii mił mołmun. Ba na prei erip kin, nim Saimon paki tunj ełe nge nim pii gii ei, dinga pimba. Ekii se nim noman ak tokun orung on kin, ninim angnim noł paki tunjii,” pa nim.



Piisa ek yi nim, “Owundu, na er kun er moł. Nim kin kan ngii ełe ouni bił; nga nim kulnjii ei, na er kun er moł, na nim kin ouni kułmbuł,” pa nim. Jiisas ek nipi yi nim, “Piisa, na nim kanip nind. Akip kunum ełe epi peng kin, kei kultu wii tunenerang kin, nim ek kunum tekliki ninjii, ‘Na wu Jiisas ninmin, ei na kinał!’ pa ninjii.”



Pe Jiisas kin ekii sik ełmin wumb konu endi orung punjung, konu ei embe Gesemanii, niłmin. Konu ełe pu molk, Jiisas eim ek nipi eim wu ombu ngum, “Enim ya ełe mułei! Na orung pupu, prei ermbii,” nipi pum. Jiisas yi nim, “O Arnan, nim epi pei kapłi enjii, ni piind. Nim na ming ei oł embin pałim, na oł embin tui ei si kindnjii, ba nim na noman ełe ekii se enenjii mon! Ba ninim noman ełe yi enjii.”



Pe Juras eim opu wu kombur sipi kin, nga kulmał
kałimmin owundu enim nge opu ond wu kombur
kindangin wu ni, lo ek piłmin wu ei sipi, konu
orung ełe, tuk om. Pe wumb ombu, dup jep
kandik sik, opu epi sik, ambilk tu
wunjung. Yi nik kin, wu endi tui
kepii tang kin, kulmał kałim
owundu nge kongun wu ei,
eim nge kom orung angil
tundung orung, kiłip topu
mani om. Ba Jiisas kanpi
yi nim, “Mon! Oł ei si kindei!”
pa nim. Yi nipi kin, wu ni
kom ełe embilang kin, kom
ni, nga ok pim mił, pim.



Jiisas eim ek nipi poru neng kin, wumb ombu eim ambił gii ni sipnjing. Pe wumb ei, eim sipi kin, kułmał kałiim owundu ngii konu ełe tuk sipnjing konu ełe, Piisa eim ekii se pum. Pupu kin, konu turii mił mołpu, kan mułum. Ngii owundu kung gui tukrung ełe engim konu ełe, dup kalk mulnjung konu ełe, Piisa tep to mulnjung ku.



Kulmaŋ kaŋim owundu wu
ei nge kongun wu endi
Piisa eim wu ei kom tui
kepŋi kin tum ei nge,
tiŋap ende wu endi, opu
yi nim, “Keimi mendpiŋ na
nim kenj ei nim eim kin ouni
tuk ond mong Olip pin eŋe, tuk
muŋun ni kenj,” pa nim. Piisa
nga eim ek dinga nipi yi nim, “Na
Jiisas kinaŋ mon!” Yi neng kin, pe
mendpiŋ kei kultu peŋi wii tum. Wii
tang kin, Piisa eim kin Jiisas ok
nirim miŋ, ek ei piim. Pe Piisa
eim tor pupu, ke dinga wii nim.




Yi nik kin, wumb pei eim sipik, Pailos mutum konu eŧe sipnjing. Pe Pailos eim kii sim, “Nim Jura wumb King min?” Pe Jiisas eim ek nipi, orung kindpi, ek yi nim, “Ninim nin miŧ yi,” pa nim. Pailos wumb nga kanpi, ek yi nirim, “Wu ei Jiisas, eim orung kindamb, ba,” ni piim. Ba wumb wii tok, nga

yi nik, “Ond peri eŧe, to kond!” Wumb pei yi ku ninjing.




Pe nga Pailos eim Jiisas wumb nge
angit eŧe ngum. Ngang kin, wumb
ombu Jiisas ond peri eŧe nil to
pendngii nge ngum. Yi miŧ peng kin,
wumb ombu Jiisas sipnjing. Sipangin
kin, Jiisas eim ond peri ei ko wupu sipi
kin, tor pum. Pum konu ei embe,
'Wumb peng embiŧ konu,' niŧmin.
Konu ei embe endi Eipru ek nik,
'Golkasa' niŧmin.




Konu eḷe, wumb ombu Jiisas ond peri eḷe
nil tunjung. Tok kin, nga wu eipi taḷ ond
peri eḷe taḷ eipi yi ku nil tunjung. Wu
endi Jiisas nge angit taring
eḷe nil tok kin;
nga endi Jiisas
nge angit
tundung eḷe nil
tunjung. Tok nga,
Jiisas wu taḷ kin tuk
mii menb eḷe nil tungung.



Pe mendpił alap ka wii endi, Gos ngii owundu ełe, pim alap ei, tuk kiłip topu, orung orung tał pim. Jiisas ond peri ełe pepi, ek dinga nipi yi nim, “Arnan, na noman tuk ei, nim angil ełe kindind,” nipi eim kułum.





Nga kunum pou neng, Josep Arimasiya
konu eŧe moŧpu om. “Eim kos piŧim
wu num, ka wii moŧum,” pa
niŧmin. Eim yi ku, Gos
kunum tep ermba omba
nipi, kui erpi moŧum.
Pe yi miŧ, Josep eim
ngii eŧe nirik pupu,
Pailos kumb eŧe
engim.

Pe eim mund mong
kulerim mon! “Pe na
Jiisas ngenj simbii ond,”
pa nipi pum.



Josep eim alap kuru endi top erim. Pe eim Jiisas ngenj sipi mani tu wum. Pe eim alap kuru sipi, Jiisas ngenj eŕe kum tum. Pe sipipi, komung endi tukpu sim, konu eŕe mani kindim. Pe tukpu sinjing, ei ku tukpu owundu pendnjing.

Pe Josep eim ku endi sipi, tukpu eŕe pandi tum.



Kupiiring nga kor kunum epi er kun
ałmin kunum ei opu peng,
kułmał kałımin wu ni, lo
ek ekii siłmin wu ni pei
puk Pailos ngii konu
kułou tunjung.



Tok, Pailos kanik yi ninjing, “Wu
owundu, sin piinmin ei, wu ek konj
mułpu ek kend wu ei,
‘Kunum tekliki mendpił
tukpu ełe angip op tonu
bii,’ ninim ninmin,”
pa ninjing.



Yi neng, puk tukpu pandi dinga tungii
punjung. Puk, tukpu eŕe oŕ endi
dinga enjing ei wumb tuk
onerngii nik kin, tukpu eŕe
to dangndik pendnjing.
Nga opu wu kombur
tukpu eŕe, “Tep er
mulei!” nengin, tep
er mulnjung ku.



Kor owundu kunum poru neng,
kupiiring mandi eŕe amb Mariya
Makandala seng kin, nga
Mariya endi kin ouni okuŕ,
Jiisas tukpu eŕe
kenmbiŕ nikiŕ onjnguŕ.
Pe sikir konu kopu
owundu tum,

Gos Owundu nge
enjel tonu epin si
kindpi mani om.



Opu, ku ni ambil ak tang, ak topu
orung pupu pim. Peng kin, tonu
pele eim tonu mutum. Opu
wu ombu en enim mund
mong erik, puku sik
wumb kutii mit
mendpit pek
muljung.



Ba enjel ek nipi amb taŕ ngopu yi nim,
“Eŕip mund mong enereŕ mon! Na
piind eŕip Jiisas kurkuŕ onmbuŕ
ni piind. Wu ei ond peri eŕe
to kundnjung. Eim ya
konu eŕe mulaŕim, eim
angpi nga konj tonu
pum. Eim ok ek
nirim miŕ yi erim.


Pe eŕip okuŕ eim pim
konu ei keningiŕ
weŕ!” nim.



Amb tał eł ełip mund mong erkił ka piikił
sikir pukuł tukpu si kindkił ei nge ekii
siłmin wu mulnjung konu kankił yi
ninjingił. Nikił pangił nga sikir
Jiisas eim amb tał andłam ełe
kan sipi ek yi nim, 'Ełip onmbuł?'
Nga amb tał eł ełip eim simb
ełe ambuł gii nikił molkuł ek ka

nikił prei enjingił.





Nga ekii se, Jiisas ekii siłmin wumb engki nga endeim molk, kuni nok kin, Jiisas mulnjung konu ełe tonu om. Jiisas ek dinga yi nim, “Enim pii gii dinga pinałim,” pa nim. “Pe en enim noman pirek ninim. Nimbił erang enim piinenjing? Wumb kopur kanik ninjing ba, ei pii gii ninenjing.” Yi mił, pe Jiisas Owundu ek nipi poru neng kin, Gos ei epin konu ełe tonu sim. Pe Jiisas Gos angil tundung orung mołum.



Keimi, Gos eim kingam endeim mendpił
mołum. Ba Gos eim mei wumb pei noman
mendpił ngopu, eim kingam endeim mendpił
ei ngum. Gos eim yi mił erang kin, wumb pei
eim kin pii gii ningii wumb ei, Gos kin
mułngii. Wumb ei noman konj sik,
kunum kunum konj mułngii.



Rom 3:23

Nimbit erang wumb pei of kis minj erik kin, nga sinim Gos nge of kun ka tilang owundu ei sin sinim kin kapli enermin mon. Sin sinim Gos kin mandi molałmin mon ku.

Rom 6:23

Yi mit, of kis etmin of ei nge, kumep ei kułngii. Ba Gos eim nge epi ka wii ei, sinim wii ngum epi ei, noman konj kunum kunum mułmba. Noman konj ei, Krais Jiisas sinim nge Owundu kin tonu om.

Eipru 9:27

Ei yi mit ku, Gos erang kin wumb pei kunum endeim mendpit kułngii. Kolk kin, ekii se Gos kin kos owundu piingii nge kunum ete, tonu omba.



Epeses 2:8

Ei yi mił, Gos nge noman ka enim ngang kin, enim oł kis ełe, si kindik kin, Gos kin orung onjung ei nge, en enim pii gii ełe nge, Gos enim sipi orung sim. Seng kin, nga en enim kongun endi enenjing mon! Ba Gos eim noman ka wii ngopu kin, enim sipi orung sim. Seng kin, Gos eim noman ka enim wii ngurum. Nimbił erang enim kongun erik sinenjing; ba kongun erik Gos nge noman ka ei siłangin kin, en enim Gos nge noman ka ei sinjpin ni piik kin, en enim nilkeng siłangin.



Rom 10:9,10

Yi mił, enim gupu ełe ek dinga ni tor kindik yi ningii, 'Jiisas eim Owundu,' pa ningii. Nga enim noman tuk ełe pii gii nik kin, Jiisas kołpu pim kin, Gos eim sipi kindang, angpi tonu opu, nga konj mołum ełe nge. Kapłi Gos enim Jiisas kin sipi orung simba. Yi mił erang, enim noman tuk ełe Jiisas kin pii gii ninjing kin, Gos kin kun ka mułmun. Nga enim gupu ełe, ek dinga ni tor kindnjing kin, Jiisas kin pii gii nimin ełe, Gos enim sipi orung eim kin simba.



Jon 3:16,17

Keimi, Gos eim kingam endeim mendpił mołum. Ba Gos eim mei wumb pei noman mendpił ngopu, eim kingam endeim mendpił ei ngum. Gos eim yi mił erang kin, wumb pei eim kin pii gii ningii wumb ei, Gos kin mułngii. Wumb ei noman konj sik, kunum kunum konj mułngii. Gos eim kingam kindang om ei, wumb kos piipi, wumb ek nipi kun erpi yi ermba nge onerim mon. Gos kingam ei kindang om ei, wumb sipi Gos kin orung simba nge kindim.



1 Jon 5:11-13

Nga eŧe nge, Gos eim sinim kin ni tor kindiŧim yi miŧ nirim ei, Gos noman konj kunum kunum moŧuŧum ngurum ei, noman konj ei, eim kingam Jiisas puŧwu ei, eim ngang kin sinim simin. Pe nga wumb nii endi, eim Gos nge kingam Jiisas kin pii gii nimba wumb ei, eim noman konj kunum kunum moŧuŧum ei, sipi moŧum. Pe nga wumb nii endi, eim Gos nge kingam Jiisas kin pii gii ninermba wumb ei, eim konj kunum kunum moŧuŧum ei, wumb ei eim kin mulermba mon. Na mon ei poŧup kin enim kin ngond ei, wumb nii endi, eim Gos kingam embe eŧe, pii gii ninjing kin, kapŧi enim piingii ei, enim noman konj kunum kunum moŧuŧum ei sinjing.



Masyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Nii NT (nii) © 1980, Wycliffe Bible Translators, Inc.
All rights reserved.

<https://live.bible.is/bible/NIWBT/MAT/1>

©2025 Bible for Children, Inc.

www.M1914.org

www.bibleforchildren.org

